

**Duta Besar Uruguay Kunjungi Yang Dipertua Dewan Negara  
Bernama  
05 Julai, 2012**

KUALA LUMPUR, 5 Julai (Bernama) -- Yang Dipertua Dewan Negara, Tan Sri Abu Zahar Ujang pada Khamis menerima kunjungan Duta Besar Uruguay yang baru ke Malaysia, Gerardo Prato, di pejabatnya di sini.

Dalam pertemuan selama satu jam itu, Abu Zahar berkata mereka berbincang mengenai isu sistem pentadbiran dan berkongsi pandangan mengenai soal ekonomi, sosial dan politik selain perkara hubungan dua hala di antara Uruguay dengan Malaysia.

"Duta berkenaan mahukan hubungan yang sedia ada di antara Malaysia dengan negaranya terus dipertingkatkan lagi," katanya kepada Bernama selepas kunjungan tersebut.

Hadir sama di pertemuan itu Timbalan Yang Dipertua dewan, Senator Datuk Doris Sophia Brodi.

Prato, 56, pernah berkhidmat antara lain sebagai pengarah hal ehwal protokol asing Uruguay dari 2009 hingga 2010 dan menteri penasihat di pejabat perwakilan tetap negaranya ke Bangsa-Bangsa Bersatu (PBB) di New York.

-- BERNAMA

Hak Cipta Terpelihara © 2012 BERNAMA

Source: <http://www.bernama.com/bernama/v6/bm/newsindex.php?id=678218>